



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 05-16-3-738-9/26
Srebrenica, 08.05.2026. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o internim procedurama u postupku javne nabavke u Memorijalnom centru Srebrenica i direktnom sporazumu, broj: 01-02-3-1508/21 od 29.10.2021. godine, broj: 01-02-3-170/23 od 23.01.2023. godine i broj: 01-02-3-1847/24 od 02.08.2024. godine, i preporuke Komisije za nabavke konstatovane u Zapisniku o pregledu i ocjeni ponuda u postupku javne nabavke putem konkurentskog zahtjeva, broj: 05-16-3-738-8/26 od 06.05.2026. godine, direktor Službe Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, donio je

ODLUKU

**o izboru najpovoljnijeg ponuđača putem konkurentskog zahtjeva
za javnu nabavku usluga: “Usluge prevoza lica i izložbi u BiH“ (LOT 1 i LOT 2)**

Član 1.

Ugovor (okvirni sporazum - 1 godina) za nabavku usluge: **LOT 1 – „Prevoz lica u BiH“** dodjeljuje se grupi ponuđača (LAŠVA BUS d.o.o. i ARGENTA d.o.o. Srebrenica), koju predstavlja **LAŠVA BUS d.o.o.**, Kula broj 3, 72 270 Travnik, koji je dostavio prihvatljivu ponudu sa najnižom cijenom u iznosu od 37.866,60 KM bez PDV-a, odnosno 44.303,92 KM (slovima: četrdesetčetirihiljadetrinetri i 92/100 KM) sa uračunatim PDV-om.

Član 2.

Ugovor (okvirni sporazum – 1 godina) za nabavku usluge: **LOT 2 – „Prevoz izložbi u BiH“**, dodjeljuje se ponuđaču **ARGENTA D.O.O. Srebrenica**, Srebreničkog odreda b.b., 75430 Srebrenica, koji je dostavio ponudu sa najnižom cijenom u iznosu od 10.000,00 KM bez PDV-a, odnosno 11.700,00 KM (slovima: jedanaestihiljadestamstotina i 00/100 KM) sa uračunatim PDV-om.

Član 3.

Izabrani ponuđači iz člana 1. i 2. ove Odluke se obavezuju da u roku ne dužem od 5 (pet) dana od dana zaprimanja ove Odluke dostave originale ili ovjerene kopije dokaza o ispunjavanju uslova u skladu sa datim Izjavama iz člana 45. stav (1) tačka a), b) c) i d) Zakona o javnim nabavkama.

Član 4.

U skladu sa članom 70. stav (6) i 71. Zakona o javnim nabavkama, Memorijalni centar Srebrenica-Potočari Spomen obilježje i mezarje za žrtve genocida iz 1995. godine će ovu Odluku objaviti na svojoj internet stranici www.srebrenicamemorial.org i to istovremeno s upućivanjem Odluke ponuđačima koji su učestvovali u postupku javne nabavke.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj: 05-16-3-738-8/26 od 06.05.2026. godine u skladu sa članom 71. stav (2) Zakona o javnim nabavkama.

O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je, u skladu sa članom 87. i 88. Zakona o javnim nabavkama, pokrenuo postupak javne nabavke putem konkurentskog zahtjeva (sa zaključivanjem okvirnog sporazuma na 1 (jednu) godinu, broj: 05-16-3-738-1/26 od 16.04.2026. godine, za nabavku usluga: „Usluge prevoza lica i izložbi u BiH“. Procijenjena vrijednost javne nabavke bez PDV-a iznosila je 49.000,00 KM bez PDV-a. Procijenjena vrijednost nabavke po LOT-ovima (bez PDV-a) je iznosila:

LOT 1 - Prevoz lica u BiH : 39.000,00 KM

LOT 2 - Prevoz izložbi u BiH: 10.000,00 KM

Obavještenje o nabavci broj: 1348-7-2-19-3-25/26 objavljeno je dana 16.04.2026. godine na Portalu javnih nabavki, i u „Sl. Glasniku BiH“ broj: 29/26 od 24.04.2026. godine.

Komisija za javne nabavke imenovana je Rješenjem, broj: 01-16-3-145/26 od 12.01.2026. godine.

Iz Izvještaja o preuzimanju tenderske dokumentacije preuzetog sa Portala javnih nabavki na osnovu objavljenog Obavještenja, broj: 1348-7-2-19/26 od 28.04.2026. godine, utvrđeno je da je tendersku dokumentaciju preuzelo ukupno 7 (sedam) ponuđača.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 28.04.2026. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, što je konstatovano u Zapisniku o otvaranju ponuda u skladu sa Zakonom.

Komisija je na javnom otvaranju ponuda konstatovala da su svoje ponude blagovremeno dostavila 3 (tri) ponuđača i to: 1. CENTROTRANS d.d. Sarajevo za LOT 1, 2. Grupa ponuđača LAŠVA BUS d.o.o. i ARGENTA d.o.o. Srebrenica, koju predstavlja LAŠVA BUS d.o.o. za LOT 1, i 3. ARGENTA d.o.o. Srebrenica za LOT 2, te da su ponudili sljedeće cijene ponuda:

1. CENTROTRANS d.d. Sarajevo za LOT 1, u iznosu od 38.883,30 KM bez PDV-a i bez popusta;
2. Grupa ponuđača LAŠVA BUS d.o.o. i ARGENTA d.o.o. Srebrenica za LOT 1, u iznosu od 37.866,60 KM bez PDV-a i bez popusta;
3. ARGENTA d.o.o. Srebrenica za LOT 2, u iznosu od 10.000,00 KM bez PDV-a i bez popusta;

Dana 06.05.2026. godine, Komisija se ponovo sastala radi pregleda i ocjene dostavljenih ponuda, odnosno da bi utvrdila da li ponuđači ispunjavaju uslove iz člana 45. do 52. Zakona i da li su svi ponuđači dostavili tehnički zadovoljavajuće ponude u skladu sa zahtjevima iz tenderske dokumentacije, te da li ponuđene usluge odgovaraju predmetu nabavke i tehničkim specifikacijama.

Komisija je konstatovala sljedeće:

1. Uvidom u ponudu ponuđača **CENTROTRANS d.d. Sarajevo**, za LOT 1- Prevoz lica u BiH, komisija je utvrdila, da je ponuđač u svrhu dokazivanja kvalifikacionih uslova iz tačke 3.4.2. pod c) *“licencu za vozilo-minibus izdatu od nadležnog ministarstva“* tenderske

dokumentacije, dostavio dokument pod nazivom "Izvod licence za obavljanje međunarodnog prijevoza putnika" izdat od strane Ministarstva komunikacija i prometa BiH, s rokom važenja od 10 godina, odnosno do 13.10.2035. godine.

Dokument koji je ponuđač dostavio, po svom sadržaju predstavlja „kopiju licence“ za prevoznika (firmu), a ne LICENCU VOZILA koja sadrži između ostalog i registarski broj vozila, izdaje se na period u zavisnosti od starosti vozila, odnosno isteka utvrđene starosti za vozilo kojim se obavlja javni prijevoz, i za čije je izdavanje nadležno kantonalno ministarstvo iz oblasti saobraćaja, u skladu sa članom 4. i 5. Federalnog Pravilnika o licenci za obavljanje javnog prijevoza u cestovnom saobraćaju.

Prema tome, dostavljanjem licence za obavljanje međunarodnog saobraćaja, ponuđač nije dokazao da konkretno vozilo kojim namjerava vršiti uslugu ima dozvolu za rad u unutrašnjem prometu. Uostalom, tenderskom dokumentacijom pod tačkom 3.4.2. pod b) se svakako tražilo da ponuđač ima najprije licencu prevoznika, a zatim pod c) - licencu vozila-minibusa, što su nesporno dva različita dokumenta koje izdaju različiti nadležni organi, sa različitim rokom trajanja i pod različitim uslovima.

Budući da nije dostavljen dokaz kako je traženo pod tačkom 3.4.2. TD pod c) licenca za vozilo-minibus, Komisija predlaže da se ponuda ponuđača CENTROTRANS d.d. Sarajevo, u skladu sa članom 68. stav (1) Zakona o javnim nabavkama, odbaci kao neprihvatljiva.

2. Uvidom u ponudu **grupe ponuđača LAŠVA BUS d.o.o. i ARGENTA d.o.o. Srebrenica**, koju predstavlja LAŠVA BUS d.o.o., Komisija je konstatovala da je ponuđač u svojoj ponudi, u smislu dokazivanja ispunjavanja uslova iz tenderske dokumentacije dostavio svu potrebnu dokumentaciju za LOT 1 predmetne nabavke.

3. Uvidom u ponudu ponuđača **ARGENTA d.o.o. Srebrenica**, Komisija je konstatovala da je ponuđač u svojoj ponudi, u smislu dokazivanja ispunjavanja uslova iz tenderske dokumentacije dostavio svu potrebnu dokumentaciju za LOT 2 predmetne nabavke.

S obzirom da je u ovom postupku nabavke, na adresu ugovornog organa pristigla po jedna prihvatljiva ponuda za LOT 1 i LOT 2, a prema uslovima iz tenderske dokumentacije, e-aukcija se nije mogla zakazati u skladu sa odredbama Pravilnika o uslovima i načinu korištenja e-aukcije ("Sl. glasnik BiH" broj 80/23), postupak se okončava u skladu sa članom 69. stav (1) tačka a) Zakona.

Komisija za nabavke je predložila Ugovornom organu:

- da se Ugovor (okvirni sporazum - 1 godina) za nabavku usluge: LOT 1 – „Prevoz lica u BiH“ dodjeli grupi ponuđača (LAŠVA BUS d.o.o. i ARGENTA d.o.o. Srebrenica), koju predstavlja LAŠVA BUS d.o.o., Kula broj 3, 72 270 Travnik, koji je dostavio prihvatljivu ponudu sa najnižom cijenom u iznosu od 37.866,60 KM bez PDV-a, odnosno 44.303,92 KM (slovima: četrdesetčetirihiljadetrinest i 92/100 KM) sa uračunatim PDV-om; i
- da se Ugovor (okvirni sporazum – 1 godina) za nabavku usluge: LOT 2 – „Prevoz izložbi u BiH“, dodjeli ponuđaču ARGENTA d.o.o. Srebrenica, Srebreničkog odreda b.b., 75430 Srebrenica, koji je dostavio ponudu sa najnižom cijenom u iznosu od 10.000,00 KM bez PDV-a, odnosno 11.700,00 KM (slovima: jedanaestihiljadasedamstotina i 00/100 KM) sa uračunatim PDV-om.

Komisija je sačinila Zapisnik o pregledu i ocjeni ponuda, broj: 05-16-3-738-8/26 od 06.05.2026. godine, koji je sastavni dio ove Odluke i kao takav se dostavlja svim učesnicima u postupku javne nabavke.

U postupku donošenja ove Odluke, posebno su cijenjene činjenice da je Komisija pravilno i potpuno, izvršila ocjenu kvalifikovanosti ponuđača te pregled i ocjenu ponude za oba LOT-a, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za provođenje postupka javne nabavke.


U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi direktno na protokol Ugovornog organa ili preporučenom poštom, u roku od 5 (pet) dana od dana prijema ove Odluke.

DIREKTOR

Službe Memorijalnog centra



Dr. Emir Suljagić

Dostaviti:

1. Svim ponuđačima x3
2. Arhiv

Prilog:

- Zapisnik o pregledu i ocjeni ponuda, broj: 05-16-3-738-8/26 od 06.05.2026. godine